

30 AUG 1996

CUACA DIRAMAL BAIK SEMASA PERBARISAN

KOTA KINABALU, 30 Ogos (Bernama) -- Cuaca diramalkan baik pagi esok semasa perbarisan sempena sambutan Hari Kebangsaan di Kompleks Sukan Likas di sini sungguhpun keadaan cuaca tidak menentu di negeri ini sejak seminggu lepas.

Pengarah Jabatan Kaji Cuaca Sabah Encik Chang Kung Chew berkata sungguhpun semua bahagian di Sabah diramalkan mendung tetapi hujan diramalkan hanya turun pada sebelah petang.

Katanya, hujan dengan ribut petir dijangka berlaku di Sandakan dan Tawau pada malam esok.

Sementara itu, segala persiapan sudah siap untuk sambutan peringkat kebangsaan itu. Yang di-Pertuan Agong Tuanku Ja'afar dan Perdana Menteri Datuk Seri Dr Mahathir Mohamad serta pemimpin-pemimpin negara sudah berada di ibu negeri ini untuk menghairi sambutan itu.

Acara sambutan bermula malam ini dengan upacara menaikkan bendera Malaysia di Padang Perbandaran pada tepat tengah malam.

Sebelum itu, orang ramai akan dihiburkan dengan persembahan pentas oleh artis-artis tempatan dan dari Kuala Lumpur.

Ini merupakan kali pertama Sabah menjadi tuan rumah sambutan peringkat kebangsaan sejak penubuhan Malaysia pada tahun 1963. -- BERNAMA

NT NMO